



## O Volapükaf lens Valöpo!

Mon pledon rouli veütik in lif aldelik obas. Neodobs moni ad remön zesüdotis lifa. Ün yels pasetik, äkanoy, ko pläots nesuvik, tuvön vobi alsotik ad gaenön moni saidik ad atos. Ab sis yels ömik stad finenik da vol enegudikon.

Enu mödikans protestons ta sit finenik it. Sagons, das binon dobik, bi liegikans liegikons ai, du pöfikans pöfikons ai, e bi pöfikans pladulons pluamanumi sifanas, riskäd dabinon, das krim oglofon vifiko in läns valöpo.

Ab lio eliegikons-li liegikans? Cedü ob, dabinons klads fol in tef at:

Mens ömik liegik egetons moni mödik sekü gerots; mens nemödik äbinons läbiks ad getön moni mödik de loter. Büsidacifs egetons moni mödik, bi büsid eplöpon sekü geid onsik, e mutoy koefön, das emeritons oni, bi evobons noe dü del, abi dü neit it.

Ab i dabinons mens, samo: kanitans, bioskopastelans, famans in radion e televid, kels binons vemo liegiks. Ab kikodo binons-li liegiks? Bi mens valemik (ninädü pöfikans mödik) evilons juitön skilis onas, e vilöfo epelons moni se poks lönik ad atos.

Seko, pläämü klad balid, kanoy anu gespikön säki: Lio eliegikons-li liegikans? Binons so liegiks, bi obs valiks eliegükons onis. Ab do pöf binon nendoto badik, tulieg binon badikum. Steifülöbsös ad blibön semo vü flans at lemuik tel!

Valikosi Gudikün Oles ed Olükanes

sedom

*Ralph*

II:10:2012

LÄLID – KAPIT MÄLID (FINOT)

PUTÜLASVIN E PEP

Lälid äsenälof, das no ökanoy noön atosi, seko äsäkof säki nog bali: "Pösods liosotik lödons nilo?"

"Lüodü at," äsagon Kat, lefänölo lufuti detik, "lödom Hätel; e lüodü et, äsagon Kat, lefänölo lufuti votik, "lödom Mäzul-Liev. Visitolös seimani omas; bofikans binons lienetans."

"Ab no vilob kolkömön lienetanis," äsagof Lälid.

"Ab no okanol vitön atosi," äsagon Kat; "Is alans binons lienetiks. Ob binob lienetik. Id ol binol lienetik.

"Lio sevol-li, das binob lienetik?" äsagof Lälid.

"Binos klülabik," äsagon Kat, "pläo no binolöv is."

Ab Lälid lölöfiko no ätikof, das blöf ädabinon; too, äfövon: "E lio sevol-li, das ol binol lienetik?

"Balido," äsagon Kat, "dog no binon lienetik. Baicedol-li?"

"Niludob sio," äsagof Lälid.

"Benö!" äfövon Kat, "dog yamedon ven zunon, e lemufükon göbi ven binon läbik. Ab ob yamedob ven binob läbik, e lemufükob göbi ven zunob. Kodü atos, lienetob."

"Ob nemob atosi murön, no yamedön," äsagof Lälid.

"Nemolös osi ma ced olik," äsagon Kat. "Opledol-li krokodi adelo ko Koradam?"

## II:11:2012

"Pled somik plidonöv verno obi," äsagof Lälid, "ab no nog egetob vüdi." "Ologol obi us," äsagon Kat, ed äbinon onu mo. Lälid lölöfiko no päsupädofo dubo, bi ya äkösomikof ad dins bisarik at. Du älogedof lü bimatuiĝ, kö Kat iseadoŋ büo, ekö on dönu.

"Reto, kis ejenos-li putüle?" äsagon Kat. "Tio eglömob ad säköŋ."

"It evedon svinil," äsagof Lälid, takediko, kuratiko äsif äbinon jenot aldelik.

"Äcedob, das atos öjenos," äsagon Kat, ed äbinon mo. Lälid ästebedof boso, lafaspelöl ad logön oni dönu, ab no ägekömon, e pos minuts du-tel, ägolof ve veg, kö, ma sagäd, Mäzul-Liev lödom. "Elogob hätelis büo," äsagof oke it, "Mäzul-Liev obinon nitedikün, e ba no obinon lelīenetik, bi anu binos mayul – nemuiko no so lienetik äsä äbinon mulü mäzul." Sagölo atosi, älöpiologof, ed ekö Kat se Cheshire dönu, kel äseadoŋ su bimatuiĝ.

"Esagol-li svinili, u figili?" äsagon Kat. "Esagob svinili," ägespikof Lälid, "e no kömolös e mogolölös so spidiko: suidükob sovemo."

"Benöl" äsagon Kat, e atna änelogädikon saidiko nevifiko; balido finod göba änelogädikon, e fino lusmilil, kel äreton pos nelogädikam reta. "So! Elogob suvo kati nen lusmilil," ätikof Lälid, "ab lusmilil nen kat . . . ! Ekö din bisarikün lifa lölik oba!" No igolof go fagikumo ven äkanof logön domi Mäzul-Lieva: ätikof, das binon dom, keli äsukof, bi kamens äbinons fomü lils e nuf pätegon me pläd. Dom äbinon so gretik, das no älabof kuradi saidik ad golön nilikumo jüs ituetofo dileti nedetik mödikum garida; anu älabof geiloti za piedas tel, ab igo anu änilikof lü on boso plafiko, sagölo ofe it; "Ed ai no sevob, va büoced valemik lelīenetikama ona binonöv verätik! Tio vilob, das igolob ad visitön Häтели plao!

## II:12:2012

### RISKÄD DEADÖFIK (fa hiel Frank Roger)

Solam, svimöp, migotadrined se län solöfik, e buk nitedik - ekö desir soelik onas ün tim at. Jiel Cindy älogedof viföfiko matani, kel äseatom nai of. No igo äneodom buki, e ya islipülom te ünü minuts ömik pos lüköm lü svimöp. Tü düp at gölik, äbinons jenöfo soalik - nendoto lotidans votik äjanedons nog in lotidöp, u ba äslipons.

Äslürfof drinedi oka, äfärmükof logis dü timüls ömik, ed äjuitof strallis sola, kels älöfülons skini oka. Ikoslogons fredö vakeni at, ed äfümetons ad jultön minutl alik ota. Ämaifükof logis dönu, äsumof buki, ed äprimof ad reidön.

Töbo ireidof lafapadi, ven ällilof vögi laodik zunik. Man ästanom fo ons. Kiöpao ikömom-li? No illilof lükömön omi, e fūmo no älogotom ni äs lotidan, ni äs balan pösodefa in lotidöp.

"Riskädikobi!" älerorom man ofe hūsteriko. "Ba riskäd deadöfik! Pöjutoms obi. Ünü sekuns ömik kanons lükömön isio. O läd! no labob timi mödik, seko no kanob kleilükön vali ole. Äbinob fopik ad golön ai isio ed usio, ab no äsevob täno riskädis tefik . . ."

Cindy älogetof lü om, ab lölo no äsevof dö kel älerorom.

Klülabiko man illogom notodi ofa, ed äfövom: "Prüdö! No labob timi saidik ad kleilükön vali, e piidob vemo ad kömön isio so, ab . . . " Noidil se rietalinaglok äropon seti. Äblasfämom ed äfövom: "Jiedö! binos badikumo, ka primo äcedob. Mutob möön mu vifiko! Pidob ladöfiko." Pos vöd lätikün, man inelogädikom äs magod in televid pesekurböl. Cindy älogedof lü hiel Ted, kel äjinom galikön.

"Ed atos, kisi ätefos-li?" äsäkom. "Kiöpao egolom-li man et? E dö kel äspikom-li? E kiöpao ekömom-li?"

"No sevob," ägespikof Cindy. "Sevob lenosi. Enunedom obis dö riskäd semik. "No vilob lilön dö riskäd." äsagom Ted. "Vakenobs. Fredob vemo, das binom mo." E so äjlnos, das bespik ifinikon. Ted äfärmükom logis dönu, Cindy äprimof nogna ad reidön buki.

Ab töbo pos minuts lul, man telid ilükömom neseimao.

## II:13:2012

Älogom onis, kels äseidons flanü svimöp, ed äsâkom:  
"Sâkusadolsös obi, begö! ab elogols-li mani is enu? Ek, kel  
epubom süpo, e kel enepubom poso? Ek, kel äjinom äsif  
pâpöjutom?"

Cindy änutof.

"Benö! Ya ebinom is. Prüdö! No küpälots omi.  
Glömoisös vali, keli esagom oles, cedidolsös, das nos ejenon.  
No tefon olis. No favolsös! Danö!

Man äsmililom, ed änepubom kuratiko äs man balid.

Kis diabö! jenon is?" äsâkom Ted, kel igalikom dönu se  
slipül. "Kims binoms-li pösods at? Bo dünans lotidöpa-li?

"No cedob osi," Cindy ägespikof. "Lölöfiko no sevob,  
kis ejenon!"

"Sötoms leadön obis takediko," äplonom Ted.  
"Vakenobs anu; epelobs moni, dub vob mödik pegaenöl, ad  
lifädön timi juitik is.

Cindy änutof dönu. Matan ofa ägidetom. Ab äjultoy  
seili anu, seko äsumof buki oka nogna.

Ab pos minuts ömik, mans tel äpuboms otöpo, kö mans  
votik ibinoms. Atans leigedaklotoms, e fümiko no äbinoms ni  
lotidans, ni cäläbs lotidöpa. Ba äbinoms-li poldans? Atos  
äbinos bo fefik.

"Sâkusadolsös obi," äsagom balan omas, "pöjutobs  
mani riskädik, e cedobs, das bo ekömom isio. Elogols-li fädo  
omi? Espikols-li ko om? Ebspikols-li nunis seimik ko om?"

Cindy änutof. Jenöfo äbinom man is, kel epubom, äs ol  
neseimao, täno enepubom poso."

"Nendoto äbinom utan, keli sukobs. Lebegobs oli ad  
vitön omi. Mutobs fanäbükön mani at. Danob oli demü yuf  
ola." E mans tel at änelogädikoms.

"Nesiäm at saidon!" äplonom Ted zuniko. "Elielol  
sagön dlotani et: "Lebegobs oli ad vitön mani at." Ab jenöfo

## II:14.:2012

utans döboms, kels süpo ekömons isio, e kels steifüloms ad dämükön vakeni obsik. Lükömonsös lü diab!" Cindy ämutof siön, das matan gidetom. Lotidöpacifef no sötön sufälön dinis somik. Äbinos skänik, ed ädämükos vakeni. Anu äspelof, das bölad somik ifinikon, ed äsumof buki oka dönu.

Pos minuts lul, äklülädos, das no nog ifinikos, bi ekö vom, kel ästanof flanü Cindy.

"Säkusadolös obi, begö!" äsagof kudiko. "Sukob matani oba, e spelob ad tuvön oml büä Timapoldans ofanäbükoms oml. Riskädikom levemo."

Cindy ägespikof: "Cedob, das elogobs e matani ola e poldanis, dö kels spikol. Ab kis tefon-li atosi?"

Vom jiniko äprimikof ad drenön. "Legodö! Pöjutoms ya oml. Ba ekömob tu latiko, e dotob, das lavogan omik oyufom oml. Sevol-II, das täv da tim binon talonik? Matan oba binom balan tävanas somik bü zep lona, ab lon at binon bümütovik, vätälü täv da tim. Matan obik ye no zepom lonöfi atosa. Klülabiko Timapoldans no baicedoms ko ced et, e pöjutoms oml. Godö! Spelob, das no okömob tu latiko. Danö!"

Änelogädikof äs votikans.

"Elillol-li atosi?" äsäkof Cindy.

"Kredol-II jenöfo vödis voma et? Cedob, das ya sevob dö kis tefon," äsagom Ted vimiko. "Ekö pled seimik; binos diled programa lotidöpa ad muadön lotidanis. Obüdob getedabüri ad no plu böladön obis ko din at."

"Fümol-li dö atos? Lio lotidöpapösodef kanon-li logädikön e nelogädikön somo? Atos binonöv cütid stunüköl. E man balid äsagom, das riskäd pro om äbinon go fefik, e poso elogobs poldanis, äsi jimatani omik."

"Lölöfikö no sevob! Alo kotenob, ifü obs it no riskädikobs. No glömolös, begö! das vakenobs anu. Epelobs moni mödik ad jultön vakeni obas. Ospikob ko getedan latikumo. Nesiämi somik no osufälöb plu!"

"Niludob, das gidetol," äsagof Cindy, ed esumof buki oka dönu, spelöl, das fino ojuitof oni nen rop fovik.

II:15:2012

LUSAG VOLAPÜKIK (2)

If plan rigik natavestigela sibinom, okanom blöfön das plans valik kömoms de rig bal. If plans valik kömoms de rig bal, täno cedom das mens valik mutoms kömön i de rig bal. Jimatel löfik yunik natavestigela ädeilof ätimo. If fom stäbik semik patuvom linedü lifikans valik, okanom petlodön ko nol das lif ofa fovom in mänifod nefinik natajablonas.

Döl natavestigela dö plan rigik binom difik de at mana sapik. Sikodo, bepenom omi atamodo: Plan rigik binom plan nimik de mel. Plan nimik at kosietom se dils hogilik difik ko gelmins e tuigs mödiks. Logodom äs glup glünedas müedik e flobebas. Hogs gletik e smalik tegoms pleni lölik plana nimik. Ats binoms muds plana. Plan lefulik binom mot vönik planas nimik valik.

Natavestigel e studels fiedik oma sukoms ziliko plani rigik oma in dils mödik in mel. Ninlogoms jolas foetik lānas difik, ab tūvoms nevelo plani somik.

Natavestigel fovom al klödön das plan rigik sibinom, e fovom al penatön plani. Lesagom das penats omik maegoms plani nimik sibinöl. Natavestigel plösenom bililādis mödik dö plan, äsi teoris omik kels kotefoms ko döls mana sapik e Nelijana. Jafom penatis mödik al kopanön bililādis omik. Ats binoms vemo jönik, ko dekams mödik. Penats e teors natavestigela papüboms in buks popik.

Balido, mens mödik löfoms bukis natavestigela. Publüg valemik klödöm das buks ninlaboms nunis kels palogoms kösömiko te fa noles e natavestigels. Natavestigel vedom famik. Maegs omik blünoms ninatemi kanales kels milagoms detülis nogotik äsi skillis natavestigela al loegön.

Ab noles e natavestigels palestimöls mödiks sagoms das plan rigik oma no sibinom, kludo, maegs in buks natavestigela binoms neveladik. Lesagoms das penats blöföms das natavestigel binom cūtel. Studels anik natavestigela fimoms das nek ätūvom evelo plani rigik.

Natavestigel pesuadom das nepöлом, e krüts ta om binoms tö glötiks dö plöp omik. Disputs badik mödik sekoms.

## **II:16:2012**

elesagom cedis omik tu nāmiko,

Natavestigel fovom al sukön plani rigik oma. Du suks at, tūvom mödi gletik planas melik e fomas nīmik vemo smaliks kelis no ānolon būo. Natavestigel kladom tūvotis nulik oma medū nems stimū jimatel edeilöl omik. Fovom al pūbön bukis omik ko maegs planas e fomas nīmik. Mags jōnik at maegoms legudiko teoris omik, ab no bīnoms koips fūmik lifa jenik. Sikodo, mens mödik seplānoms das penats omik binoms cūtik. Nelābād dikoda lusukom natavestigeli daū lif omik.

Yels beigoloms. Nativestigel vedom bāledik. Plan rigik oma no petūvom evelo. Neflens natavestigela geboms nog maegis omik ās zeilapūns plo legleips vōdik omsa. Jūnu, memon natavestigeli demū maegs niludiko cūtik, plas demū lāpols vōladik oma plo natastud.

(Tradutod in Volapük rigik fa Jean-Claude Caraco)

### **KLEILÜKAM BREFIK FA JEAN-CLAUDE**

Ūn del 3id dekula yela 2011 āgetob penedili de söl fransānik semik kel āpenom pla jilekanan linglānapükik kel no spikof fransānapūko. Ladet obik pigivon fa Reinhard Haupenthal. Jilekanan Sulūdafrikopik at āneodof tradutodi ini Volapük rigik pro lenkleibazōts lekanik podajonöl in Mused Lekana Nulādik ela Karlsruhe (Deutān). Vōdem linglānapükik āspikon dō konād plana rigik. Konād at spikon dō sapan e dō nolavans kels steifūloms ad fomālön e ad dāsinön plani rigik de kel plans e nims valiks dekōmons. Volapük pāvālon fa lekanan bi dajonād topon in lān ot ās lān ela Schleyer, e bi Volapük binon bos mūsterik ā vōnik. Kanoy logön lenkleibazōtis is : <http://www.global-contemporary.de/en/artists/19-ruth-sacks>. Nem lekanana binon Ruth Sacks. Ad tradutön ini Volapük rigik āgebob buki at: “Dictionary of Volapük” (Volapük – English and English – Volapük) fa M. W. Wood pāpüböli ün 1888 in New York.